

Registrie tut te votis

Lonodonezoia, mai anglal trābul te oven siguro kā registrien tume te votin. Lel tumengā nesave minutea, kana jan ko <https://www.gov.uk/register-to-vote>

Trābul te aven tume 16 bārsh or mai but; te beshen ande Londra; hai te aven themutno manush/cetāteano britaniko, irlandezo, andar o Commonwealth (Naciengo Komuniteta) or EU.



Register here!


Sî trin alomaske tipoia andi Londra:



Alosarimata anda e Londrako Muialo hai Londrako Kidimos (London Assembly)



Generalo / parlamentar alosarimata



Lokalo / pe distriktoia alosarimata

E themutne manusha/cetāteania britaniko, irlandezoia hai andar o Commonwealth sî eligibilo te votin ke alosarimata anda e Londrako Muialo / Londrako Kidimos, ke generalo / parlamentar alosarimata, hai lokalo / pe distriktoia alosarimata.

E themutne manusha/cetāteania andar EU sî eligibilo numa te votin ke alosarimata anda e Londrako muialo / Londrako Kidimos hai ke lokalo / pe distriktoia alosarimata.

Identitetake lila e fotografiasa (photo ID) kai sî akceptisarde

Te oven siguro kā sî tume thai dashti te sîkaven iekh andar kadala identitetake lila e fotografiasa akceptisarde te votin personalo, ke votimaski sekcia:

- Tradimasko lil andar UK, Channel Islands or EEA
- Pashaporto kārdo ando UK, Commonwealth or EEA
- Nacionalo identitetako lil dino katar iekh them andar EEA
- Biometrikano imigraciako dokumento
- Parkimasko lil andar e manusha e dizabilitetosa (Blue Badge scheme card)
- Bilovengo phirimasko permiso potindo katar o Governo UK, sar sî o fotokardo Oyster 60+ vai o mestimasko permiso (Freedom Pass)
- Identitetako lil kai sîkavel o bershimos, akredime katar o PASS (a PASS card)
- Lil 90 katar E Arakhimasko Ministerio (Ministry of Defense Form 90)

Kana na-i tumen ni iekh andar e akceptisarde identitetake lila e fotografiasa k-ashti te votin, dashti te aplikin andar iekh bilovengo **Alosarnosko Certifikato (Voter Authority Certificate)** ko

www.gov.uk/apply-for-photo-id-voter-authority-certificate



Apply here!